



Na osnovu čl.22. tačka 8. Statuta Ljekarske/Liječničke komore Kantona Sarajevo, Skupština Ljekarske/Liječničke komore Kantona Sarajevo na sjednici održanoj dana 29.11.2017 godine donijela je:

ODLUKU O UPISNINI I VISINI IZNOSA ČLANARINE ZA ČLANOVE LJEKARSKE/LIJEČNIČKE KOMORE KANTONA SARAJEVO

Upisnina

Član 1.

Ljekar je obavezan platiti upisninu prilikom upisa u Ljekarsku/ liječničku komoru Kantona Sarajevo (dalje u tekstu: Komora).

Upisnina iznosi 50 KM (slovima: pedeset konvertibilnih maraka) i plaća se jednokratno.

U slučaju ponovljenog upisa nakon što je ljekaru na vlastiti zahtjev prestalo članstvo u Komori sukladno aktima Komore, obavezan je platiti upisninu u iznosu 250 KM (slovima: dvijestotine i pedeset konvertibilnih maraka). Upisnina u slučaju svakog daljnjeg upisa (trećeg i dalje) povisuje se za 100 KM (slovima: sto konvertibilnih maraka).

Upisnina za ljekare strane državljanine iznosi 250 KM (slovima: dvije stotine i pedeset konvertibilnih maraka) i uplaćuje se jednokratno nakon što se ispune predviđeni zakonski uslovi za licenciranje. Upisnina u slučaju svakog daljnjeg upisa povisuje se za 100 KM (slovima: sto konvertibilnih maraka).

Članarina

Član 2.

Članarina za ljekare, članove Komore iznosi 10 KM (slovima: deset konvertibilnih maraka) mjesečno.

Članarina za ljekare – penzionere, članove Komore koji su radno aktivni iznosi 10 KM (slovima: deset konvertibilnih maraka) mjesečno, a ostali penzioneri koji žele da budu članovi Komore 5 KM mjesečno (slovima: pet konvertibilnih maraka)

Članarina za ljekare strane državljanine iznosi 50 KM (slovima: pedeset konvertibilnih maraka) mjesečno i dužni su je platiti za čitavu godinu za koju im se izdaje licenca.

Članarina za nezaposlene ljekare iznosi 1KM mjesečno (slovima : jedna konvertibilna marka) mjesečno.

Ljekari iz stava 1. ovog člana državljani BiH plaćaju članarinu mjesečno, i to najkasnije do zadnjeg dana tekućeg mjeseca za prošli mjesec.

Ljekar može dogovoriti sa poslodavcem da poslodavac u njegovo ime, prilikom obračuna plate, obračunava i uplaćuje članarinu Komori.

Oslobađanje od plaćanja članarine

Član 3.

Plaćanja članarine oslobođeni su ljekari za vrijeme privremene nesposobnosti za rad (bolovanja) dužeg od 42 dana na teret Zavoda zdravstvenog osiguranja te za vrijeme porodiljskog dopusta.

Član Komore dužan je, da u propisanom roku obavijesti Komoru, o svakoj promjeni svog statusa koja utječe na oslobađanje od plaćanja članarine tj., da u roku od mjesec dana od nastanka okolnosti iz stava 1. ovog člana predoči osnov kojim ostvaruje pravo na oslobađanje propisane obaveze.

Uplata članarine

Član 4.

Članarina se uplaćuje na žiro račun Ljekarske/Liječničke komore Kantona Sarajevo broj **161 000 000 411 00 95**

Komora će zatražiti od uplatitelja članarine, odnosno zdravstvenih ustanova neovisno u čijem su vlasništvu, kao i od ljekara u privatnoj praksi, dostavu popisa ljekara. Popis mora sadržavati ime i prezime ljekara, te iznos obračunate i uplaćene članarine za svaki predhodni mjesec.

Član 5.

Ljekar je obavezan uredno plaćati članarinu i podmirivati druge financijske obaveze prema Komori.

Članovi Komore koji su u zakašnjenju sa uplatama članarine, dužni su izmiriti svoje obaveze i na račun Komore uplatiti sva nastala dugovanja.

Članu Komore za kojeg se ustanovi da nije izmirio obavezu na ime članarine, Komora će po isteku roka od 3 mjeseca uputiti opomenu s pozivom za podmirenje duga. Ukoliko član unutar ostavljenog roka od sedam dana od slanja opomene ne podmiri dug, Komora će pokrenuti disciplinski postupak .

Član 6.

Neplaćanje članarine predstavlja kršenje članskih obaveza prema Komori za koje član disciplinski odgovara sukladno odredbama Statuta i Pravilnika o disciplinskom postupku.

Zastara prava na potraživanje neuplaćenih članarina nastupa istekom roka od pet godina, a koji počinje teći danom dospjeća pojedinog iznosa članarine.

Član 7.

Izrazi koji se koriste u ovoj Odluci, a imaju rodno značenje, bez obzira jesu li korišteni u muškom ili ženskom rodu,obuhvaćaju na jednak način muški i ženski rod.

ZAVRŠNE ODREDBE

Član 8.

Ova Odluka objavljuje se na web stranici Komore www.lkksa.ba. a stupa na snagu 29.11. 2017. godine.

Predsjednik Skupštine
Ljekarske/Liječničke komore Kantona Sarajevo

Dr Raho Spahović